


摩訶僧祇律

卷三十九

三百九
棋九

49843



美華圖書公司

摩訶僧祇律卷第三十九

攝

東晉三藏法師佛陀跋陀羅共沙門法顯譯

佛住舍衛城。尔時世尊制戒不聽不滿學與
 受具足。尔時比丘尼十八兩童女學戒滿。二
 十兩與受具足。諸比丘尼嫌言。汝學戒滿不
 滿。誰得知者。諸比丘尼以是因緣。語大愛道
 乃至佛言。從今已後。學戒滿二十兩童女欲於
 如來法律中受具足。作比丘尼者。先作求聽
 羯磨。然後從僧乞滿學戒。受具足。羯磨者。應
 作是說。阿梨耶僧聽某甲二十歲童女學戒
 滿。欲於如來法律中受具足。若僧時到。僧某
 甲欲從僧乞學滿。受具足。阿梨耶僧聽某甲



二十歲童女學戒滿欲從僧乞學戒滿受具
足僧忍默然故是事如是持應從僧乞胡跪
合掌作是言阿梨耶僧聽我某甲二十歲童
女學戒滿欲於如來法律中受具足今從僧
乞學滿受具足唯願僧哀愍故與我學戒滿
受具足如是三乞羯磨者應作是說阿梨耶
僧聽某甲二十滿兩童女學戒滿欲於如來法
律中受具足作比丘尼以從僧乞學滿受具
足若僧時到僧與某甲學戒滿受具足羯磨白
如是阿梨耶僧聽某甲滿二十兩童女學戒滿
欲於如來法律中受具足作比丘尼以從僧
乞學滿受具足僧今與某甲學滿受具足阿

梨耶僧忍與某甲學滿受具足者默然若不
忍便說是第一羯磨第二第三亦如是說僧
已與某甲學滿羯磨竟僧忍默然故是事如
是持

佛告大愛道瞿曇依止舍衛城比丘尼皆

悉令集乃至已聞者當重聞若比丘尼學戒滿

不羯磨與受具足者波夜提學戒滿者二兩
中隨順行十八事不羯磨者不作羯磨與受
具足者波夜提波夜提者如上說是故世尊
說佛住舍衛城今時釋種女拘梨女摩羅女
梨車女先已嫁出曾任荷苦事故而有黠慧
大愛道瞿曇問佛世尊已嫁女減二十雨

得與受具足不佛言得尔時比丘尼與曾嫁
八歲九歲女受具足大小軟弱不堪諸比丘
尼語大愛道大愛道以是事往白世尊乃至
已聞者當重聞若比丘尼適他婦減十二雨
與受具足者波夜提減十二雨者如減二十
雨中廣說適他婦者壞梵行與受具足者波
夜提波夜提者如上說若適他婦欲於如來
法律中受具足者應先問乃至看手足骨節
是故世尊說

佛住舍衛城尔時世尊制戒不聽減十二雨
適他婦受具足尔時比丘尼適他婦滿十二
雨與受具足諸比丘尼嫌言汝滿十二雨適

他婦滿與不滿誰知者諸比丘尼語大愛道
大愛道往白世尊乃至佛言從今已後滿十
二雨適他婦應與二年學戒佛告大愛道依
止舍衛城比丘尼皆悉令集乃至已聞者當
重聞若比丘尼適他婦滿十二雨不學戒與
受具足者波夜提如上童女不學戒中說

面罵不滿度

十法不具足

不羯磨畜眾

犯戒減二十

不學不滿學

滿學不羯磨

減十二不學

第十跋渠竟

佛住舍衛城尔時迦梨比丘尼度王臣須提
那婦出家與受學戒本在家有身轉轉腹大
諸比丘尼嫌言已受學戒而有身體應驅出

答言我出家已來不知是法諸比丘尼語大
愛道大愛道以是因緣往白世尊佛言此出
家已來不知是法此在家時事若有如是比
者未應與受具足待挽身已若生女者出草
褥已與受具足若生男者待見能離乳然後
與受具足若親里姊妹言取是小兒來我自
養活如是者應與受具足佛告大愛道瞿曇
彌依止舍衛城比丘尼皆悉令集乃至已聞
者當重聞若比丘尼已適他婦受學戒不滿
學與受具足者波夜提如上童女學戒不滿
中廣說

佛住舍衛城爾時世尊制戒不聽滿十二雨

適他婦二年學戒不滿與受具足。爾時比丘
尼與適他婦二年學戒滿與受具足。諸比丘
尼嫌言：汝學戒滿與不滿，誰能知者？諸比丘
尼語大愛道：大愛道以是事往白世尊，乃至
佛告大愛道：瞿曇，依止舍衛城住比丘尼
皆悉令集，乃至已聞者當重聞。若比丘尼已
適他婦，學戒滿不羯磨與受具足者，波夜提
如上。童女不羯磨中廣說。

佛住舍衛城，爾時比丘尼多畜弟子，不教戒
如天牛、天羊，淨不具足，威儀不具足，不知承
事，和上阿闍梨不知承事，長老比丘尼不知
入聚落，法阿練若，法不知著衣持鉢，法比丘

尼語大愛道大愛道即以是事往白世尊佛
言呼是比丘尼來來已佛問汝實尔不荅言
實尔世尊佛言此是惡事汝云何度人而不
教戒從今日後應二年教戒佛告大愛道瞿
曇弥依止舍衛城住比丘尼皆悉令集乃至
已聞者當重聞若比丘尼與弟子受具足已

應二年教戒若不者波夜提比丘尼者如上
說弟子者共住弟子二年者二雨時教戒者
若阿毗曇若毗尼阿毗曇者九部修多羅毗
尼者波羅提木义廣略威儀應教非威儀應
遮若不教戒者波夜提若弟子不可教不欲學
者應驅出若比丘共住弟子不教勅越毗尼

罪是故世尊說

佛住舍衛城。爾時比丘尼度弟子。弟子受具足已。棄餘處去。時和上尼嫌言。世尊制戒。應教戒弟子。弟子捨我去。我當教戒誰。諸比丘尼語大愛道。大愛道即以是事具白。世尊佛言。呼是比丘尼來。來已。問言。汝實。尔不。荅言。實。尔佛言。此是惡事。汝去。何受具足已。而餘處去。應二年事。和上尼佛告大愛道。瞿曇。弥依止舍衛城。比丘尼皆悉。令集。乃至已聞者。當重聞。若比丘尼受具足已。應二年供給。隨逐和上尼。若不供給。隨逐波夜提。受具足者。共住弟子。二年者。二兩時供給。和上尼。

應隨逐者不遠離不供給隨逐者波夜提若
和上尼不善持戒不欲學弟子作是念我和
上尼但非威儀處行我若隨逐或傷我梵行
欲全梵行故捨去無罪若比丘不供給和上
隨侍越毗尼罪是故世尊說

佛住舍衛城舍時比丘尼在年度弟子受具
足心生疑悔為得為不得即問大愛道大愛
道往白世尊佛言呼是比丘尼來來已問言
汝實不答言實尔佛言從今已後不聽年
年度人受具足當作間佛告大愛道依止舍
衛城比丘尼皆悉令集乃至已聞者當重聞
若比丘尼年年畜弟子波夜提年年者兩雨

時畜弟子者受具足波夜提者如上說不聽
年年畜弟子應作一雨時間若比丘尼有福
德一年與學戒弟子二年與受具足雖年年
無罪是故世尊說

佛住王舍城。爾時樹提比丘尼欲與弟子受
具足語。偷蘭難陀比丘尼言。阿梨耶爲我請
僧與弟子受具足。後比丘尼僧與受具足。偷
蘭難陀比丘尼請得六群比丘樹提問言。爲
我請得僧未言已。得得誰答言。得六群比丘
語言。我不用。至明日更請善比丘受具足。諸
比丘尼語大愛道。大愛道即以是事往白世
尊。佛言。呼比丘尼來來已。問言。汝實不答

言實亦佛言樹提此是惡事汝去何一衆清
淨已停宿受具足而復輕衆從今日後不聽
一衆清淨停宿受具足亦不聽輕衆佛告大
愛道瞿曇依止王舍城比丘尼皆悉令集
乃至已聞者當重聞若比丘尼一衆清淨停
宿受具足波夜提比丘尼者如上說一衆清
淨者比丘尼衆中受具足停宿者至明日比
丘衆中受具足者波夜提波夜提者如上說
不聽一衆清淨停宿受具足復不聽輕衆復
不得請惡比丘衆與受具足應當先求善比
丘若不可得當求半若過半許而作羯磨若
主賊難不得者停宿無罪比丘亦不得輕衆

應得半若過半而作羯磨輕衆者越毗尼罪
是故世尊說

佛住毗舍離今時迦梨比丘尼度梨車第三
生女出家與俗人外道習近住諸比丘尼語
迦梨比丘尼汝知是弟子與俗人外道習近
住汝何故不別離送於異方諸比丘尼語大

愛道大愛道即以是事往白世尊佛言呼是
比丘尼來來已問言汝實亦不荅言實亦佛
言此是惡事汝云何知弟子共俗人外道習
近住而不離別從今已後不聽佛告大愛道
依止毗舍離住比丘尼皆悉令集乃至已聞
者當重聞若比丘尼度弟子有事不自送不

使人送。下至五六由旬。波夜提比丘尼者。如上說。度人者和上尼弟子者。共行弟子有事者。弟子欲罷道。若父母親里欲罷道。若贊若叔。罷道送者。若不自送。不使人送。下至五六由旬者。極齊六若弟子習近住者。應送遊行。若身老病不能去者。應囑人當教誡。汝可遊方。多有功德禮諸塔寺。見好徒衆多。所見聞我若不老者。亦復欲去。若比丘共住弟子有事。不自送。不使人送者。越毗尼罪。是故世尊說佛住舍衛城。介時偷蘭難陀比丘尼十法。不滿度弟子。不教誡。如天牛天羊。乃至比丘尼語阿梨耶。汝十法不具。度弟子何不教誡。

使如法偷蘭難陀言汝如我度弟子而責數
我諸比丘尼語大愛道大愛道即以是事往
白世尊佛言呼是比丘尼來來已問言汝實不
不答言實不佛言此是惡事乃至汝去何十
法不具度弟子不教誡而嫌責他從今已後
不聽嫌他佛告大愛道瞿曇彌依止舍衛城
比丘尼皆悉令集乃至已聞者當重聞若比
丘尼語比丘尼作是語阿梨耶十法不具度
弟子應教誡而反嫌責者波夜提比丘尼者
若僧若衆多人若一人是比丘尼者如偷蘭
難陀比丘尼十法不具者十法不成就度弟
子者受具足作是諫時而嫌責者波夜提波

夜提者如上說比丘如是者越毗尼罪是故
世尊說

佛住舍衛城。尔時有學戒尼語偷蘭難陀言
阿梨耶我學戒滿與我受具足。答言可。尔後
學戒尼言阿梨耶我學戒滿與我受具足。聞
是語已。自不與受。不使人受。又不發遣。諸比
丘尼言汝先許與受具足。何以不與。聞此語
猶故不與。諸比丘尼語大愛道。大愛道即以
是事具白世尊。佛言呼是比丘尼來。來已。問
言汝實尔不答言實。尔佛言此是惡事。汝云
何許他受具足而不與受。從今日後不聽佛告
大愛道。依止舍衛城比丘尼皆悉。今集乃至

已聞者當重聞若比丘尼語式義摩尼言學
戒滿當與汝受具足後不與受不使人受又
不遣去者波夜提比丘尼者如上說式義摩
尼者隨順行十八事二歲學作是語者如偷
蘭難陀比丘尼許與受具足後不與受不使
人受波夜提波夜提者如上說若比丘尼語
式義摩尼當與汝受具足若後無力者當使
人受若不自受不使人受者應語令去更餘
處受具足若比丘尼許式義摩尼受具足後
不與受者波夜提若比丘許沙彌受具足後
不與受者越毗尼罪是故世尊說
佛住毗舍離舍離時跋陀羅伽毗梨比丘尼載

好上乘到親里家爲世人所嫌云何沙門尼
出家故如俗人載好上乘多欲如是諸比丘
尼聞已語大愛道大愛道即以是事具白世
尊佛言呼是比丘尼來來已問言汝實尔不
答言實尔佛言此是惡事從今已後不聽復
次尔時釋種女比丘尼道路行羸老病不及
伴後被賊乃至佛告大愛道依止舍衛城比
丘尼皆悉令集乃至已聞者當重聞若比丘
尼不病載乘者波夜提比丘尼者如上說病
者若老羸病若樂人不能行世尊說無罪乘
者八種乃至舩乘是名八種載者波夜提不
聽不病比丘尼載病者不得載特牛乘得載

犍牛車及雌馬駱駝若病不覺雌雄無罪若
乘船直度無罪若上水下水作因緣受持得
去若比丘不病載者越毗尼罪是故世尊說
不滿不羯磨 和上不教戒 弟子不隨逐
年年畜弟子 停宿受具足 有事不遣送
嫌責許具足 載乘最在後

第十一跋渠竟

佛在毗舍離舍離時跋陀羅伽毗梨比丘尼持
傘蓋著革屣往親里家為世人所嫌云何沙
門尼似如俗人如是多欲諸比丘尼語大愛
道大愛道即以是事往白世尊佛言呼是比
丘尼來來已問言汝實實不答言實實佛言

從今已後不聽持傘蓋著革屣復次佛任舍衛
城釋種女摩羅女先是樂人出家道路行時
天極熱甚大疲苦諸比丘尼語大愛道大愛
道即以是因緣往白世尊佛言從今已後聽
病時佛告大愛道依止舍衛城比丘尼皆悉
令集乃至已聞者當重聞若比丘尼不病持
傘蓋著革屣者波夜提比丘尼者如上說病
者老羸病尪弱世尊說無罪傘蓋者樹皮蓋
多梨蓋竹蓋摩樓蓋樹葉蓋鬘傘蓋如是比
餘蓋等革屣者一重兩重持者受用波夜提
波夜提者如上說持蓋不持革屣越毗尼罪
持革屣不持傘蓋亦越毗尼罪二俱持者波

夜提不持者無罪若比丘持莊嚴傘蓋
兩重革屣者越毗尼罪是故世尊說佛
在毗舍離亦時跋陀羅伽毗梨比丘尼往
至親里家敷高佉啁羅床褥兩三重橙上為
俗人外道所嫌云何沙門尼出家猶如俗人
多欲如是諸比丘尼語大愛道大愛道即以
是事往白世尊佛言呼是比丘尼來來已問
言汝實亦不荅言實亦佛言汝云何過量佉
啁羅床上坐從今已後不聽佛告大愛道瞿
曇弥依止毗舍離比丘尼皆悉令集乃至已
聞者當重聞若比丘尼過量佉啁羅床褥上
若坐若卧波夜提比丘尼者如上說過量者過

八指法。啁羅床褥者。法啁十四種。乃至崩來羅。佉啁。崩來羅床。若坐若卧。波夜提。波夜提者。如上說。若竟日坐。一波夜提。若起已更坐。隨坐得。波夜提。若過量床。得埋脚坐。若比丘坐過量。法啁羅床上。越毗尼罪。是故世尊說。佛在舍衛城。尔時六群比丘。尼共一床一敷。眠褥枕破裂。寐復折壞。諸比丘尼。以是因緣。語大愛道。乃至佛言。呼是比丘尼來。來已。問言。汝實尔不。荅言。實尔。佛言。此是惡事。乃至佛告大愛道。依止舍衛城比丘尼。皆悉令集。乃至已聞者。當重聞。若比丘尼同敷褥床。卧波夜提。敷者。同一敷。一覆一床。床者。十四種。

乃至脂蘭床波夜提波夜提者如上說不得
同床卧一床一人卧三坐床得二人卧展脚
不得過膝若方褥三褥得二人卧展脚不得
過膝若地敷者不得多取地當相去一舒
手自敷坐具而卧若寒時得上通覆於下各
自房覆無罪若比丘共床卧越毗尼罪是故

世尊說

佛住舍衛城尔時迦梨比丘尼受僧房已閉
戶而去後客比丘尼上坐來次第與房見戶
閉即嫌言此僧房舍何以閉戶而去諸比丘
尼語大愛道乃至佛言呼是比丘尼來來已
佛問汝實尔不荅言實尔佛言此是惡事乃

至汝云何僧房舍不捨開戶而行從今已後
不聽佛告大愛道依止舍衛城比丘尼皆悉
令集乃至已聞者當重聞若比丘尼僧房床
褥不捨而去波夜提比丘尼者如上說僧床
褥者卧床坐床枕褥拘執不捨者不還不白
餘處去者波夜提波夜提者如上說若比丘尼
欲行去當捨床褥與知床褥人已而去若不
捨而去者波夜提若房不空尋有人住者越
毗尼罪是故世尊說

佛住舍衛城尔時竭住母比丘尼先不語卒
尔而入竭住父比丘房而摩其背即反顧視
之見已言咄咄遠我比丘尼言我先常與洗

浴今摩觸何苦語言本是俗人今日出家不
得如先諸比丘尼語大愛道大愛道即以是
事往白世尊佛言呼是比丘尼來來已問言
汝實尔不荅言實尔佛言此是惡事乃至汝
云何先不白入比丘僧伽藍從今已後不聽
乃至已聞者當重聞若比丘尼先不白入比
丘僧伽藍者波夜提比丘尼者如上說比丘
僧伽藍者下至一比丘住處先不白者先不
語不呼入入者如竭住母比丘尼波夜提波
夜提者如上說若比丘尼欲入比丘住處者
當到門屋先白言和南比丘尼白入願聽比
丘當籌量若比丘尼賢善自無事著衣服者

聽入若有事或泥作或裸露當語言姊妹小
住應唱言諸長老比丘尼欲入各自著衣若
比丘尼不善無威儀者應語莫入有事若先
不語輒初入者波夜提後來者無罪不白而
入者舉一足越毗尼罪兩足波夜提若還去
者越毗尼罪若比丘先不語而入比丘尼往
處者越毗尼罪應任門屋下遣淨女人語是
故世尊說

佛住舍衛城介時比丘尼在道行暮至村中
欲求宿處至一家語婦人言借我宿處婦人
言我夫行去暮或能還比丘尼復重借言故
當不來可寄一宿即與宿處夫主暮還為結

所使與婦共行欲事比丘尼未離欲聞聲不
悅還已語諸比丘尼比丘尼語大愛道乃至
佛言呼是比丘尼來來已問言汝實尔不荅
言實尔佛言汝云何知食家姪處宿從今已
後不聽復次佛住舍衛城尔時諸比丘尼道
路行至暮於聚落中遍求無丈夫家而不能
得便在溝陌邊宿夜暴風雨起有諸年少來
相侵觸傷於梵行諸比丘尼以是因緣語大
愛道乃至佛言從今已後除餘時乃至已聞
者當重聞若比丘尼知食家姪處宿除餘時
波夜提餘時者風時雨時奪命時傷梵行時
是名餘時比丘尼者如上說知者若自知若

從他聞食者女人是丈夫食丈夫是女人食
家者四種姓家姪處者夫婦宿處除餘時波
夜提餘時世尊說無罪風時雨時失命時疑
男子傷梵行時是名餘時不得食家姪處宿
若疑是聚落中有放蕩男子畏宿者無罪是
故世尊說

佛住舍衛城尔時毗舍離比丘尼安居竟欲
向舍衛城禮拜世尊到比丘精舍中和南我
聞尊者欲詣舍衛城禮拜世尊審尔不荅言
何故問我欲隨去比丘言世尊制戒不得與
比丘尼共道行又問何時當發荅言某日耶
記識其日豫持衣鉢於路側而待比丘至其

日食已而去見比丘尼並相謂言此比丘尼
欲隨我等去當急脚行諸年少比丘尼奔走
而逐諸老病樂人不能得及於後為賊所剥
諸比丘尼語大愛道大愛道以是因緣往白
世尊乃至呼是比丘尼來來已佛言汝實亦
不荅言實亦佛言汝云何無商人伴於空迴
處向餘國行從今已後不聽佛告大愛道依
止舍衛城比丘尼皆悉令集乃至已聞者當
重聞若比丘尼無商人伴向異國行波夜提
比丘尼者如上說無伴者無商人伴餘國者
異王境界去者波夜提若比丘尼欲行時當
先求商人伴若前人言阿梨耶但來我當料

理使令得去當相望其人若語太善視瞻不
好者不應去更求善人將女婦者共去若去
時卒不得善察至迴處方覺者不得便捨去
當待近聚落已方便捨去若問言欲那去當
語言我乞食耳若比丘尼無商人伴行者越
毗尼罪至所在波夜提若比丘於空迴處無
伴行者越毗尼罪是故世尊說
佛住舍衛城時尔時比丘尼共女人到園池
處看諸女人在水邊飲食比丘尼往故村舍
中看時有諸年少從林中出擾亂比丘尼比
丘尼語大愛道乃至已聞者當重聞若比丘
尼自境內觀園林故墟波夜提比丘尼者如

上說境內者自王境內園者菴波羅園乃至
阿提目多園林者種種林樹故墟者空屋宅
中觀看去者波夜提波夜提者如上說若比
丘尼不得任園林坵宅中看去時越毗尼罪
到彼波夜提若檀越婦女請共去者無罪若
比丘任坵墟園林觀看爲樂者越毗尼罪是
故世尊說
佛任毗舍離尔時須闍帝比丘尼是優陁夷
本二語優陁夷言尊者我明日當守房可來
看時比丘尼晝入聚落乞食時優陁夷著衣
持鉢入比丘尼精舍二人共在房後各出身
生躡踞相向欲心相視時有老病比丘尼出

欲小便見已羞慚却行而去以是因緣語大
愛道乃至佛言呼是比丘尼來來已佛言此
是惡事乃至已聞者當重聞若比丘尼共一
比丘空靜處坐波夜提一者共一比丘更無
人設有人眠醉狂癡心亂苦痛嬰兒非人畜
生故名爲一空靜者僻猥無人處坐者共坐
波夜提波夜提者如上說若比丘尼共比丘
竟日坐一波夜提若中間起還坐隨坐一一
波夜提若比丘尼獨在房中坐卒有比丘來
入坐者比丘尼當速起欲起時當先語勿使
比丘恠若言何故起當語世尊制戒我不得
共比丘獨坐若減七歲男亦犯齋幾時名坐

如取食乞出家人頃若有淨人作事來出入
不斷若房戶向道有行人不斷者無罪若行
人斷者波夜提若淨人眠時當彈指令覺若
在閣上下人見若在閣下上人見三人展轉
相見無罪或見非聞或聞非見或亦見亦聞
或非見非聞■見非聞者遙見比丘比丘尼坐
不聞語聲聞非見者聞語聲而不見如是廣
說見而不聞越毗尼罪聞而不見亦越毗尼
罪見聞無罪非見非聞波夜提是罪亦聚落
亦阿練若亦晝亦是夜亦時亦非時是覆處
非露處是一人非衆多是近處非遠處是故
世尊說佛住毗舍離尔時跋陀羅比丘尼到

親里家共弟兄姊妹見於屏處坐比丘尼嫌
言云何出家人與俗人隱處坐猶如俗人以
是因緣語大愛道乃至佛言從今已後不聽
共男子屏處坐乃至已聞者當重聞若比丘
尼與丈夫屏處坐者波夜提如上比丘中廣
說是故世尊說

持傘佉啁床
無伴故墟看

同敷床不捨
比丘靜處坐

不白姪處宿
男子亦復然

十二跋渠竟

佛住毗舍離尔時跋陀羅比丘尼到親里家
與弟兄姊妹見伸手內住共耳語奴婢嫌言
此出家人耳語正當說我等過耳語比丘尼

聞已語大愛道瞿曇彌乃至已聞者當重聞
若比丘尼與男子伸手內住若耳語波夜提
比丘尼者如上說伸手內者共伸手內住耳
語者耳邊共語波夜提比丘尼不得與男子
伸手內住共語若耳語若欲共語者當在伸
手外若欲論密事當隔籬隔壁隔樹隔幔比
丘尼波夜提比丘與女人伸手內共語耳語
越毗尼罪是故世尊說

佛住毗舍離時跋陀羅比丘尼到親里家
兄弟姊妹兒在闇處無燈先不語卒尔而入
時親里羞慚諸比丘尼語大愛道乃至答言
實尔

佛言汝云何知男子在闇。無燈而入從今
已後不聽乃至已聞者當重聞若比丘尼知
闇中男子坐無燈而入波夜提比丘尼者如
上說男子坐者常眠卧處闇處者不相見處
無燈者無油燈及餘種種燈入者波夜提波
夜提者如上說不得入闇地男子坐處若有
因緣事須入者若聞內人高聲大聲當入若
不聞語者應先遣人語若彈指若作燈明現
相有人呼入者當入若不語不彈指不作燈明
而入者波夜提若比丘不語而入者越毗尼
罪是故世尊說

佛住王舍城尔時六群比丘尼先到作妓樂

處占願坐處伎兒戲時高聲大笑衆人效笑
人笑時便復默然似如坐禪人笑適止還復
拍手大笑於是衆人捨伎樂而觀比丘尼時
伎兒不得顧直瞋恚嫌責坐是沙門尼令我
失顧直諸比丘尼語大愛道乃至荅言實介
佛言此是惡事汝云何觀伎樂從今已後不
聽觀伎樂乃至已聞者當重聞若比丘尼觀
伎樂行波夜提比丘尼者如上說伎樂者舞
伎歌伎鐃槃打鼓如是一切下至四人共戲
觀看者波夜提波夜提者如上說不得觀伎
樂若比丘尼乞食值王王夫人若天像出有
伎樂者遇見無罪若下處就高作意闕望逐

看波夜提若檀越欲供養佛作衆伎樂研香
結鬘語比丘尼言阿梨耶佐我安施供養具
尔時得助作若於彼聞聞樂有欲著心者當
捨去若比丘觀伎樂者越毗尼罪是故世尊
說

佛在舍衛城尔時比丘尼諍鬪不和合住時
大愛道瞿曇彌衆主諍事已起者不能滅未
起者不能令不起諸比丘尼以是因緣往白
世尊佛言呼大愛道瞿曇彌來來已佛語瞿
曇彌汝實尔不荅言實尔佛言汝云何諍事
起而不斷滅未起者不能方便令不起從今
已後諍事起當斷滅佛告大愛道依止舍衛

城比丘尼皆悉令集乃至已聞者當重聞若
比丘尼諍鬪不和合住衆主不斷料理斷滅
者波夜提比丘尼者如上說諍者口諍鬪者
展轉取勝不和合住是法非法是毗尼非毗
尼是罪非罪是輕是重是可治不可治有殘
無殘如法羯磨非法羯磨和合羯磨不和合
羯磨應羯磨不應羯磨是處羯磨非處羯磨
衆主者衆之標望得自從不料理斷滅者不
自滅不使人滅波夜提者如上說若
比丘尼諍鬪不和合住不得視置當料理斷
滅使展轉悔過若復不止事須羯磨者當集
僧料理若自不能者當餘衆請有德比丘尼

若比丘若優婆塞優婆夷令滅若諍事難斷
當作是念衆生業行待時待熟自當滅如是
者無罪若比丘鬪諍衆主不料理滅者越毗
尼罪是故世尊說

佛住毗舍離尔時跋陀羅比丘尼到親里家
觀看洗浴諸婦人言我與阿梨耶揩身體使
我得功德此比丘尼端正諸女人欲看其身
體故便聽使揩即用種種香油塗身諸比丘
尼嫌責言出家人猶故多欲諸比丘尼語大
愛道乃至荅言實尔世尊佛言汝云何使俗
人家婦女揩磨身體從今已後不聽乃至已
聞者當重聞若比丘尼使俗人婦女塗香油

揩磨洗浴除病時波夜提比丘尼者如上說
俗人婦女者四種家女揩摩洗浴者以種種
香油揩摩洗浴若老病者無罪若不病揩摩
浴波夜提波夜提者如上說若身體有瘡疥
得持藥揩摩洗浴若熱病得摩耶披屑塗若
風病得以小麥屑塗若雜病者以雜藥塗無
罪塗已不得在衆人中任當在邊房病差洗
已當入若比丘不病使俗人揩摩越毗尼罪
是故世尊說

佛住毗舍離尔時世尊制戒不聽俗人婦女
揩摩洗浴時跋陀羅比丘尼使比丘尼揩摩
諸比丘尼以是因緣往白世尊乃至已聞者

當重聞若比丘尼不病使比丘尼揩摩洗浴者波夜提若揩而不摩越毗尼罪摩而不揩亦越毗尼罪二俱者波夜提若比丘不病令比丘揩摩者越毗尼罪是故世尊說沙彌尼亦如是乃至已聞者當重聞若比丘尼不病令沙彌尼揩摩者波夜提沙彌尼者隨佛出家受十戒使揩摩者如比丘尼中說式义摩尼亦如是乃至已聞者當重聞若比丘尼不病令式义摩尼揩摩者波夜提式义摩尼者隨順行十八事二年學戒使揩摩者如上比丘尼中說俗人婦女亦如是乃至已聞者當重聞若比丘尼不病令俗人婦女揩摩者波夜

提俗人婦女者四種姓家女人揩摩如比丘
尼中說

佛住王舍城尔時比丘尼僧集欲作布薩羯
磨時樹提比丘尼不來僧遣信喚言阿黎耶
比丘尼僧集欲作布薩可來樹提言世尊制
戒世間清淨者得布薩我即清淨不能去大

愛道以是事具白世尊乃至答言實尔佛言
此是惡事乃至汝不恭敬布薩誰當恭敬乃
至已聞者當重聞若比丘尼半月清淨布薩
不恭敬者波夜提清淨布薩者十四日十五
日不病比丘尼不來恭敬布薩者波夜提病
者老羸病服藥刺頭出血服蘇應與清淨若

不病不來設病不與清淨欲波夜提若比丘
尼不來布薩病不與清淨欲波夜提若比丘
不來布薩病不與欲越毗尼罪是故世
尊說

伸手內無燈

伎樂主不滅

香油比丘尼

沙彌尼學戒

女婦不布薩

十三跋渠竟

佛住舍衛城爾時長老比丘教戒比丘尼爾
時六群比丘不得教戒次便作是言我等教
戒去又言世尊制戒不聽不差而教戒我等
當出界外展轉相拜而去即出界外展轉相
拜已晨朝著衣往到比丘尼住處語比丘尼
言姊妹盡集我當教戒時六群比丘尼即便

速集善比丘尼不來而作是言我不能非
尼人邊受教戒時六群比丘共六群比丘尼
作世俗語已須臾間而去尔時長老難陀著
衣持鉢來到精舍言姊妹集僧我欲教戒於
是善比丘尼盡集六群比丘尼不來長老問
言比丘尼僧集未荅言不集誰不集言六群
比丘尼即遣信呼姊妹來我欲教戒荅言我
不去已六群阿闍梨邊受教戒竟時長老言
尼僧不和合即起而去佛知而故問汝教戒
何以速荅言世尊我至時著衣往欲教戒善比
丘尼皆集唯六群比丘尼不來比丘尼僧不和
合故不得教戒佛言呼六群比丘尼來來已

問言汝實尔不答言實尔乃至已聞者當重
聞若比丘尼半月僧教戒而不恭敬來者波
夜提比丘尼者如上說半月者十四日十五
日僧教戒者教戒比丘尼不恭敬不來者波
夜提波夜提者如上說若老羸病服藥刺頭
出血服蘇應與欲作是言我某甲與教戒欲
如是二說若不病不去病不與欲波夜提若
至布薩日應差比丘尼持欲詣僧作如是言
比丘尼僧和合頭面禮比丘僧足問布薩請
教戒如是三說比丘僧中有教戒尼者應語
姊妹當往若有比丘成就十二部法者應羯
磨教戒若無者當語言無教戒比丘尼人莫

放逸是故世尊說

佛住王舍城。爾時樹提比丘尼隱處生癰。諸比丘尼入聚落乞食。後有治癰師來。比丘尼言長壽。與我破癰。荅言可。爾即與破癰。洗著塗藥。已而去。諸比丘尼乞食還。見地膿血。問言此何等膿血。荅言我破癰瘡。諸比丘尼嫌言汝云何隱處有癰。不自善。比丘尼而破。諸比丘尼語大愛道。乃至荅言實。爾世尊佛言。汝云何膝以上。肩以下。有癰瘡。先不自聽。而破癰瘡。從今已後。不聽乃至已聞者。當重聞。若比丘尼膝以上。肩以下。隱處有癰瘡。先不自聽。男子破洗者。波夜提比丘尼者。如上說。

膝以上者髀以上肩以下者乳房以下先不
白者不白善比丘尼聽者不僧中作求聽羯
磨隱處有癰欲破者應先僧中作求聽羯磨
羯磨者應作是說阿梨耶僧聽某甲比丘尼
隱處有癰若僧時到僧某甲比丘尼欲從僧
乞破癰羯磨阿梨耶僧聽某甲比丘尼欲從
僧乞破癰羯磨僧忍默然故是事如是持若
隱處有癰者當令可信人若依止弟子若同
和上阿闍梨以錐若指甲破之以藥塗若使
男子破癰波夜提波夜提者如上說若肩已
下膝已上有癰瘡若刺頭出血若欲刺臂當
使婦人急案男子破無罪是故世尊說

摩訶僧祇律卷第三十九

攝

黠慧

上八反

琬身

上音免

慊責

二字作慊責

特孛

下音字

延弱

上荒反

佉啁

上竹交反

橙澄

登聲下正

躡踞

下音字

去

溝

古侯反

剝

必角反

墟

上起丘反

躡踞

下音丘反

踞

上音字

據

音存

隔縵

下莫反

雇直

上音故

鏡

居交反

闕望

上音彌反

傾

指

反口

皆髀

以

蒲米反

錐

反贊

追

